


# KAUPMANNASAMTÖK ÍSLANDS

Alþingi

Erindi nr. Þ 117/342

kómudagur 10/12 1993



HÚSI VERSLUNARINNAR  
103 REYKJAVÍK ICELAND  
SÍMI: 687811  
TELEFAX: 354 1 685569

Reykjavík 10. desember 1993.

Hr. Formaður

Efnahags- og viðskiptanefndar Alþingis,  
Halldór Ásgrímsson,  
Alþingi.

Með tilvísan til fundar sem fulltrúar Kaupmannasamtaka Íslands áttu með efnahags- og viðskiptanefnd Alþingis um virðisaukaskatt 8. desember sl. vilja samtökin áréttta eftirfarandi:

Það er skoðun samtakanna að með eins þrepa virðisaukaskatti verði innheimta skattsins skilvirkust og kostnaður verslunarinnar við innheimtu skattsins lægstur.


Hinsvegar hafa samtökin tekið undir þau sjónarmið að ef nauðsyn krefur þá verði íslenska virðisaukaskattskerfið aðlagð sambærilegu kerfi sem í gildi er hjá þeim þjóðum sem við komum til með að eiga samleið með og við eigum í samkeppni við.

Samtökin hafa hinsvegar haft miklar áhyggjur af framkvæmd tveggja þrepa virðisaukaskatts sem nú er lagt til að tekinn verði upp hér á landi um n.k. áramót., sérstaklega með tilliti til skamms fyrirvara sem gefin er til undirbúnings. Samtökin hafa því tekið saman meðfylgjandi greinargerð þar sem gerð er grein fyrir því hvernig ná má sama árangri í innheimtu skattsins, þó að notast verði við eitt þrep skattsins.

Virðingarfyllst,

f.h. Kaupmannasamtaka Íslands.

Bjarni Finnsson formaður.





## **GREINARGERÐ UM FYRIRHUGAÐA BREYTINGU Á VIRÐISAUKASKATTSKERFINU.**

Telja verður augljóst að með fyrirhugaðri breytingu sé vegið alvarlega að virðisaukaskattskerfi sem er hlutlaus og tiltölulega einföld innheimta og skilvirk fyrir ríkissjóð. Sú breyting sem fyrirhuguð er brýtur þetta kerfi niður og verður til tjóns fyrir hagsmuni almennings og veldur auknum kostnaði hjá verslunum við innheimtu skattsins.

Breytingin mun mismuna verslun, auka kostnað við verslun og vörudreifingu og opna leiðir til undanskots hjá þeim sem óprúttir eru. Þannig skapast betri samkeppnisstaða hjá óprúttum aðilum á kostnað annarra og ríkissjóðs. Þar að auki mun veikleiki kerfisins verða skráður á reikning verslunarinnar og þeirra sem standa heiðarlega að viðskiptum.

Hætt er á að breytingin muni leiða til ófyrirséðs tekjutaps hjá ríkissjóði, flækja framkvæmd skattheimtu og auka kostnað. Breytingin mun ekki koma neytendum til góða að því marki sem talið var í fyrstu. Í frjálsri samkeppni mun breyting skatta ekki einhlítt leiða til verðbreytingar og aukinn kostnaður við framkvæmd hlýtur að hækka vöruverð.

Ekkert hefur verið hugað að breyttri framkvæmd við innheimtu skattsins í verslunum landsins og er fullljóst að ómögulegt er að koma breytingunni í framkvæmd á þeim tíma sem til stefnu er.

Fulltrúar samtakanna hafa af þessu tilefni átt viðræður við forystumenn þeirra samtaka launafólks, sem eiga aðild að kjarasamningum og tengjast máli þessu. Þeim eru ljósir þeir miklu annmarkar sem eru á fyrirhugaðri breytingu og hafa þeir tjáð sig reiðubúnir til þess að leggja að jöfnu aðrar þær breytingar, sem jafngildar geta talist fyrir launafólk.

2.

Fulltrúar samtakanna hafa einnig rætt við forystuaðila þeirra vinnuveitenda, sem að þessum samningum standa. Þeir hafa í samræmi við það sem áður hefur komið fram hjá þeim, látið í ljós efasemdir um breytingarnar, sem undirbúnar hafa verið og eru reiðubúnir til breytinga sem ekki raska gildandi kjarasamningum.

Fulltrúar annarra launþegasamtaka en að framangreinir hafa þegar lýst eindreginni andstöðu við hinar fyrirhuguðu breytingar.

Af hálfu talsmanna stjórnmalaflokkanna hafa komið fram verulegar efasemdir um þessar breytingar. Forsætisráðherra hefur í fjölmiðlum látið í ljósi að hann telji aðrar leiðir betri og fjármálaráðherra hefur gagnrýnt þá kerfisbreytingu, sem verið er að gera. Forystumenn hins stjórnarflokksins hafa einnig gagnrýnt þessa leið og sama er að segja um formann efnahags- og viðskiptanefndar og fleirri talsmenn stjórnarandstöðuflokkanna.

Með hliðsjón af framansögðu skora Kaupmannasamtök Íslands á Efnahags- og viðskiptanefnd Alþingis, sem hefur málið nú til meðferðar, að beita sér fyrir breytingum á fyrirbyggjandi lagafrumvarpi.

Telja samtökin að falla eigi frá áformum um tvö þrep í virðisaukaskatti. Í stað þess eigi að nýta það endurgreiðslukerfi innan skattsins, sem nú tekur til flestrar mjólkurvara, kindakjöts, fiskjar og grænmetis og láta það taka til alls innlends matvöruhráefnis. Þessi leið mun að mestu hafa sömu áhrif á verð matvöru úr innlendu hráefni og lækkun VSK en kostar aðeins brota af því sem áætlað er að lækkunin kosti. Til þessa verði varið 400-500 miljónir. Alls er áætlað að verja til VSK 2.5 miljörðum þannig að mismuninn má því verja til skattaiegra breytinga, sem koma launafólki betur en lækkun VSK á matvöru. Má t.d. nefna lækkun tekjuskatts, hækkun persónufrádráttar og hækkun barnabóta og bóta

3.

tryggingakerfisins. Einnig má nefna lækkun almenna VSK-hlutfallsins, sem ekki gæti síður haft í för með sér jákvæð verðlagsáhrif en lækkun VSK á aðeins fáar vörutegundir svo og að horfið verði frá skattlagningu á innanlandsflug og almenningssamgöngur, sem í senn íþyngir tekjulágum og dreifbýlisfólki.

Kaupmannasamtök Íslands skora á nefndina að skoða meðfylgjandi tillögur og að hverfa frá fyrirhuguðum breytingum á VSK.